

& Ordinationibus Apostolicis, ac in Conciliis etiam generalibus editis, stylo Palatii, Regula Cancellaria Apostolica prohibente mandata executiva alias quam sub plumbo expediri, facultatibus, & jurisdictionibus prædictæ Fabricæ, illiusque Collegio deputatis Officialibus, necnon Vicario nostro in Alma Urbe, ac Senatori, Auditori causarum Curie Cameræ Apostolicæ, seu Cardinalibus, & quibusvis Urbis Iudicibus prædictis, sub quavis verborum forma, & ex causis urgentissimis per Nos eisdem concessis, & innovatis, quas etiam si in eis caveatur expresse, quod illis, aut non nisi certis modo, & forma in eis expressis, derogari valeat, illorum tenores, ac si de verbo ad verbum specialis mentio facta foret, præsentibus pro expressis habentes, specialiter, & expresse derogamus, ceterisque contrariis quibuscumque.

Nulli ergo &c.

D. P. An. V. die 4. Martii.

Datum Romæ apud S. Petrum, Anno Incarnationis Dominicæ millesimo quingentesimo nonagesimo, 4. Nonas Martii, Pontificatus nostri Anno V.

CLXXI.

Ereção Burgi Felicis, S. Bernardi in Regione Montium Almæ Urbis, & privilegia pro inibi Habitantibus, & Edificantibus.

Hæc privilegia vide in Constitut. CII. Decret. Tom. IV. Par. IV. fol. 347.

SIXTUS PAPA QUINTUS

Ad perpetuam rei memoriam.

Procurium.

Um ad aberes, salutiferosque fructus, quos benedicente Domino præcipue circa pauperes puellas educandas, & Deo consecrandas, venerabilis dilectorum filiorum Sacerdotum, & aliorum utriusque sexus Christianissimorum S. Bernardi Confraternitas in hac Alma Urbe nostra in dies proferre non cessat, attendimus, facere nullo modo possumus, quin eos speciali quadam huius Sedis benevolentia prosequentes, ea sibi favorabiliter concedamus, per quæ eorum, ac Monasterii Monialium, & Collegii Puellarum per ipsam Confraternitatem apud Ecclesiam S. Sufannæ de d. Urbe institutorum utilitati, cum dictæ Urbis ornatu valeat salubriter provideri.

Causa huius concessionis.

§.1. Exponi siquidem Nobis nuper fecerunt dilecti filii Officiales, & Confratres prædictæ Confraternitatis, quod ipsi pro eisdem Monasterii commoditate, ac illius, & dicti Collegii cum officinis necessariis constructione quamdam partem vineæ existentis in Regione Trivii in loco nuncupato Caput Domorum, a dilecto Fratrem nostro Henrico S.R.E. Camerario Cardinali Cajetano nuncupato, & venerabili Fratrem Camillo Patriarcha Alexandrino, ac dilecto filio nobili viro Honorato Duce Sermonetæ, Fratribus germanis de Cajetanis, pretio duorum millium, & quingentorum; deinde residuum dictæ vineæ cum illius domo, vi-

ridario, & aliis quibuscumque suis iuribus, & pertinentiis pretio duodecim millium, & quingentorum scutorum moneta emerunt; pro quibus solvendis nonnulli ex dictæ Confraternitatis Confratres imposuerunt super eorum bonis stabilibus diversos census, sub accessionibus etiam propriis nominibus dilectorum filiorum Petri Fulvii U.J. D. Prioris, & Francisci Contugii, ac Dominici Hattoni Custodum, necnon Ludovici Rivaldi Camerarii, ac Marcelli de Sancta Cruce, & Andrea Alberini Officialium, ac aliorum Confratrum dictæ Confraternitatis: quorum bonam fidem ipsam Confraternitas cum promissione relevationis indemnitate recognovit; residuum vero dictorum quindecim millium scutorum interim ad censum accipere, pro quorum extinctione alios canones, & responsiones dictæ Confraternitatis extinguere, necnon residuum dictæ vineæ stratis viis publicis ad ornatum dictæ Urbis, & fabricare voluntium commoditatem diversis personis, aut liberum vendere, aut ad fabricandum in emphyteusim sub annuo canone concedere intendunt, & jam forsân vendiderunt, & seu concefferunt, prout in singulis instrumentis publicis, ac aliis scripturis forsân desuper confectis plenius dicitur contineri. Cumque dicti Officiales, & Confratres cupiant, ut homines ad fabricandum in situ dictæ vineæ aliquibus privilegiis, & gratiis alliantur, ipsi sumque situm privilegiis, & gratiis decoratum in Burgum Felicem Sancti Bernardi nuncupandum erigi, Nobis humiliter supplicari fecerunt, quatenus eorum desiderio huiusmodi annuere, aliasque in præmissis opportune providere de benignitate Apostolica dignemur.

Ereção Burgi Felicis.

§.2. Nos ut in Monte Quirinali, & apud eandem viam Felicem per Nos annis præteritis apertam, quasi nova Civitas construatur, ac propterea homines inibi pro tempore habitantes, seu ædificantes, specialibus favoribus, & gratiis invitare volentes, ac dictæ vineæ qualitates, & veros annuos valores, ac singulorum instrumentorum, & scripturarum desuper forsân confectarum, aliorumque de necessitate exprimendorum, & inde scutorum quorumcumque tenores etiam veriores, præsentibus pro expressis habentes, huiusmodi supplicationibus inclinati, Emptionem dictæ vineæ, censuum impositiones, venditiones, sive iustiones, recognitiones bonæ fidei, necnon etiam dictæ vineæ divisiones, venditiones, liberas concessionis, etiam in emphyteusim factas, & faciendas sub pactis hinc inde conventis, & conveniendis, ac cum omnibus inde secutis Apostolica auctoritate tenore præsentium approbamus, ac confirmamus; ac omnes, & singulos, tam juris, quam facti, ac solemnitatum, quarumcumque etiam de jure, aut ex forma statutorum dictæ Urbis, vel alias quomodolibet requisitarum, & omittarum, aliosque defectus, si qui forsân intervenerint in eisdem, supplemus; dictasque emptiones validas, & bene factas fuisse, & esse decla-

declaramus, dictamque vineam cum viis publicis apertam, & divisam, in Burgum Felicem S. Bernardi nuncupandum, auctoritate, & tenore prædictis perpetuo erigimus, & instituiamus.

Privilegia fabricantium vel habitantium in eo.

§.3. Illique sic erecto, & instituto, ac omnibus utriusque sexus personis cuiuscumque status, gradus, ordinis, vel conditionis existentibus in eo, & tota via Pia nuncupata usque ad portam Piam, ac etiam in aliis viis prope, & circa suprascriptas forsân aperiendis, nunc, & pro tempore fabricantibus, vel habitantibus, omnia, & singula privilegia, gratias, favores, & prærogativas, ac indulta, domibus, & ædificiis facta, & fienda, ac fabricantibus, & habitantibus in Monte Quirinali, & in via Felici per alias nostras literas sub dat. videlicet Idibus Septembris, Pontificatus nostri anno tertio concessa, eisdem auctoritate, & tenore perpetuo concedimus, eaque omnia, & singula, acsi præsentibus expressa, ac de verbo ad verbum inserta fuissent, ad dictum Burgum Felicem S. Bernardi, & in eo, ac tota via Pia, usque ad portam Piam huiusmodi fabricantes, & habitantes extendimus, illisque omnibus, & singulis uti, frui, potiri, & gaudere posse volumus, & declaramus, atque decernimus.

Facultas fabricantium S. Bernardi locandi quæcumque bona &c.

§.4. Præterea ipsius Confraternitatis Priori, Custodibus, & Officialibus nunc, & pro tempore existentibus, quæcumque alia bona stabilia; & immobilia, seu quasi stabilia cuiuscumque qualitatis, & valoris, & in quocumque loco existentia, ad Confraternitatem, Monasterium, & Collegium huiusmodi quomodolibet spectantia, pro pretio, vel affectu, ac sub pactis, & conditionibus hinc inde conveniendis, in emphyteusim, seu ad livellum, aut locationem ad longum, vel aliud tempus concedere, ac pecunie inde redigende in extinctionem censuum pro solutione dictorum quindecim millium scutorum impostorum, vel in emptionem aliorum bonorum stabilium in Confraternitatis, Monasterii, & Collegii prædictorum commodum, vel utilitatem convetere, libere, & licite possint, & valeant, etiam concedimus, & indulgemus.

Decretum irritans.

§.5. Decernentes omnia, & singula præmissa valida perpetuo, & efficacia fore, suosque plenarios effectus sortiri, ac singulis, quos illa concernunt, & pro tempore concernere poterunt, suffragari, sicque, & non aliter per quoscumque Iudices, & Commissarios, ordinarios, & delegatos, etiam S. R. E. Cardinales, necnon Camerarium, & Cameræ Apostolicæ Thesaurarium, Præsidentes, & Clericos, & causarum Palatii Apostolici Auditores, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere; irritum quoque, & inane, quicquid secus super his a quocumque quavis auctoritate, scienter, vel ignoranter contigerit attentari.

Deputatio executorum.

§.6. Quocirca dilectis filiis dictæ Romanæ Ecclesiæ Camerario, Præsidentibus, Bull. Rom. Tom. V. Par. I.

& Clericis, nunc, & pro tempore existentibus, per præsentibus committimus, & mandamus, quatenus ipsi per se, vel alium, seu alios præsentibus literas, & in eis contenta quæcumque, ubi, & quando opus fuerit, ac quoties pro parte Officialium, & Confratrum prædictorum, aut alicujus eorum, quos illa concernunt, & concernent quomodolibet in futurum, fuerint requisiti, solemniter publicantes, ac domorum, seu ædificiorum in Burgo Felici S. Bernardi, & tota via Pia huiusmodi hæctenus factorum, & pro tempore construendorum, illorumque conductoribus, habitatoribus, incolis, dominis, eorumque hæredibus, & successoribus, artificibus, & quibuscumque aliis in Burgo Felici S. Bernardi, & via Pia huiusmodi quomodolibet ædificantibus, vel habitantibus, in præmissis efficacis defensionis præsidio assistentes, faciant auctoritate nostra easdem præsentibus, & in eis contenta quæcumque, per eos, ad quos spectat, & spectabit in futurum, perpetuo firmiter, & inviolabiliter observari, illasque debite executioni demandari procurent. Contradictores per censuras Ecclesiasticas, aliaque opportuna juris, & facti remedia, appellatione postposita, compescendo; invocato ad hoc etiam si opus fuerit auxilio brachii secularis.

Derogatio contrariorum.

§.7. Non obstantibus Constitutionibus, & Ordinationibus Apostolicis, ac dictæ Urbis juramento, confirmatione Apostolica, vel quavis alia firmitate roboratis statutis, consuetudinibus, & novis reformationibus; privilegiis quoque, indultis, & literis Apostolicis eidem Populo Romano, ejusque Magistratibus, & Consulibus Artium, aut illarum Consulibus, & quibuslibet aliis personis quomodolibet concessis, confirmatis, & innovatis; quibus omnibus etiam si pro illorum sufficienti derogatione, de illis, eorumque totis tenoribus, specialibus, specificis, expressis, & individua mentio habenda, seu quavis alia exquisita forma ad hoc servanda foret, tenores huiusmodi, acsi de verbo ad verbum exprimerentur, & infererentur, præsentibus pro sufficienter expressis, & insertis habentes, illis alias in suo robore permanuris, hæc vice dumtaxat harum serie specialiter, & expresse derogamus, ceterisque contrariis quibuscumque. Nulli ergo omnino, &c. Si quis &c.

Datum Romæ apud S. Petrum, sub annulo Piscatoris, die 11. Aprilis 1590. Pontificatus nostri Anno V.

D. P. An. V. die 11. Aprilis.

Q

Pri-

CLXXII.

Privilegium Fratrum Militum S. Stephani, quod etiam bigami, & absque habitu Clericali incedentes, annuas pensiones Ecclesiasticas, usque ad ducatos ducentum retinere, & transferre possint.

Institutionem, & alia de hac Militia vide in Constit. LXX. Pii IV. His quæ. Tom. IV. Par. II. fol. 138.

SIXTUS EPISCOPUS
SERVUS SERVORUM DEI

Ad perpetuam rei memoriam.

Proœmium.

Circumspecta Romani Pontificis providentia, gratias, quæ ex benignitate Sedis Apostolicæ emanarunt, libenter corroborat, & in pristinum, ac validum statum reponit; cum præsertim per eas, & Catholicorum, nobilitumque, & Magnorum Principum honori, ac iustis desideriis, & fortium Christianæ Religionis, & Catholicæ fidei propugnatorum, sub approbati alicujus Ordinis Regula, & instituto, pro Christo adversus infideles militantium, qui pro ejusdem Religionis, & fidei defensione, & propagatione suam vitam, & opes prompte quibusvis periculis exponunt, commodis, & congrua sustentationi opportune consulitur.

Pius IV. Milites istos exem-
nit a iurisdic-
tione Ordinariorum,
solutioque decimarum,
aliaque indul-
ta concessit.

§.1. Cum itaque alias sæc. rec. Pius Papa IV. Prædecessor post erectionem, & institutionem Militiæ S. Stephani, sub Regula S. Benedicti, per clare mem. Cosmum, tunc Florentiæ, & Senarum Ducem, in Ducatu Florentiæ, de licentia Sedis Apostolicæ, ipsi Cosmo Duci per literas ejusdem Pii Prædecessoris attributa, antea factam, ipsi Cosmo Duci Magno Magistro, necnon Conventui, Militibus, Priori, ceterisque Ministris Ecclesiæ dicti Conventus, & aliis personis, etiam in Sacris, & Presbyteratus ordinibus constitutis, etiam quæcumque, quoscumque, & qualicumque, cum cura, & sine cura, Beneficia Ecclesiastica obtinentibus, eorumque beneficiis, commendis, rebus, & bonis diversas exemptiones, etiam a Jurisdictione Ordinariorum, libertates, immunitates, etiam a contributione decimarum, & onerum, indulgentias, & gratias spirituales, & temporales benigne concesserit, atque elargitus fuerit.

Facultatem quoque de-
die Militibus
etiam bigamis
pensionem ob-
tinendi, &
transferendi,
usque ad sum-
mam sexagena-
auri de Ca-
mera, ut ibi-
dem.

§.2. Atque in specie hoc quoque inter alia indulsit omnibus, & singulis, dictæ Militiæ S. Stephani Militibus conjugatis, ac etiam bigamis, aliisque Presbyteris, ut singulas pensiones annuas, usque ad summam ducentorum ducatorum auri de Camera, super quarumvis Cathedralium, & Metropolitanarum, & aliarum Ecclesiarum, Monasteriorum, Prioratuum, Canoniatuum, & præbendarum, dignitatum, personatum, administrationum, & officiorum, aliorumque beneficiorum Ecclesiasticorum, cum cura, & sine cura, sa-

cularium, & quorumvis Ordinum Regularium, fructibus, redditibus, proventibus, juribus, obventionibus, & emolumentis, alias sibi canonicè reservandas, accumulative, cum quibusvis pensionibus annuis, quas illos ex quovis alio privilegio Apostolico pro tempore percipere contigerit, & contingeret, ad vitam percipere, exigere, & levare, ac in suos usus, & utilitatem convertere libere, & licite valerent, prout in ejusdem Pii IV. Prædecessoris binis literis, prioribus nimirum sub datis Kalendis Februarii, posterioribus vero sub dat. Nonis Julii, Pontificatus sui Anno III. confectis plenius continetur.

Pius vero V. ejusmodi indulta generaliter revocavit.

§.3. Postmodum vero piæ mem. Pius Papa V. etiam Prædecessor noster, per suam quæ incipit: Sacrosanctum; desuper editam Constitutionem inter cetera revocaverit, & aboleverit omnia, & quæcumque privilegia, facultates, dispensationes, & indulta obtinendi similes pensiones, fructus, & alias res Ecclesiarum, Monasteriorum, & aliorum beneficiorum, & officiorum Ecclesiasticorum secularium, & regularium dictæ S. Stephani, ceterisque Militiis, ac Hospitalibus, earumque Militibus, Fratribus, & personis, tam Clericis, quam conjugatis, quibusvis modo, & forma, ac quibuscumque de causis concessa, & approbata, ita quod ipsi, sive conjugati, sive bigami, sive Clerici, sive etiam Presbyteri, nullas de cetero reciperent, sed eas solas, quas tunc habebant, retinerent, & ea quoque per futurum contractum Matrimonii extinctæ censerentur, prout in eadem Constitutione latius continetur.

Hic autem Pontifex ob causas hic expressas, approbat antedictas Pii IV. Constitutiones, & Pii V. Bullam revocavit, quoad istos Milites, & quo ad dictas pensiones

§.4. Nos animadvertentes, nostris potissimum temporibus hujusmodi Milites, pro Dei, & Christiani nominis gloria, ac fidei Catholice defensione, non solum sapius, in diversis expeditionibus contra infideles fortiter, & magna cum laude dimicasse, sed eorum trirèmes, & maritimas copias, ad Maris Mediterranei, & ora maritimæ totius fere Italiæ tuitionem, & ad coercendas Turcarum, & aliorum Piratarum incursiones, magnum jugiter adjumentum asserere, ipsamque Militiam nunc maxime sub felici regimine, & gubernio dilecti filii nobilis viri Ferdinandi Magni Etruriæ sibi subiectæ Ducis, ac moderni Magni Magistri in dies magis florere, & complurium Militum, qui regularem illius habitum susceperunt nobilitate, opibus, & virtute præstantium, quasi egregio, ac numerofo fatu multiplicato auctam esse, & quotidie augeri, ac præterea, tam ipsum Ferdinandum Magnum Ducem, armis, opibus, potentia, virtute, inclitarum Civitatum, & Populorum ejus ditioni subiectorum amplitudine, ac Militum copiis inter Christianæ Reipublicæ Principes valde insignem, præcipua vero erga Nos, & Sedem Apostolicam reverentia, & devotione, summoque Catholice fidei tuenda, & propagandæ zelo accensum, quam etiam eosdem Milites, qui in tam egregio, & laudabili exercitio non solum ingentes sum-

ptus

ptus assidue faciunt, sed sanguinem ipsum, & vitam, cum se offert occasio, prompte, & libenter profundunt, pro nostra erga illos paterna caritate, Apostolica beneficentia, & gratia dignos reputantes, aliisque iustis, & rationabilibus de causis adducti, eosdemque Ferdinandum Magnum Ducem, & singulos Milites, a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione, vel causa latis, si quibus quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes, ac tenores dictarum Pii IV. Prædecessoris literarum, presentibus pro sufficienter expressis habentes, Motu proprio, non ad alicujus Nobis oblata petitionis instantiam, sed ex mera nostra liberalitate, & certâ scientia, deque Apostolicæ potestatis plenitudine, facultate, & indulto, percipiendi, & exigendi pensiones annuas præfatas, usque ad summam hujusmodi ducentorum auri de Camera, Militibus præfatis conjugatis etiam bigamis, aliisque etiam presbyteris, etiam accumulative, cum quibusvis aliis pensionibus annuis, quas illos ex quovis alio privilegio Apostolico pro tempore contigerit, aut contingeret in futurum habere, ut præsertim, per Pium IV. Prædecessorem concessa, & deinde per Pium V. etiam Prædecessorem, ut diximus revocata, adversus ipsam revocationem, abolitionem, prohibitionem, & Constitutionem dicti Pii V. Prædecessoris, cujus tenorem pariter presentibus haberi volumus pro expresso, in integrum, pristinum, & validissimum, & eum, in quo antequam Constitutio ipsa emanaret, quomodolibet erant, statum, non solum juxta formam, continentiam, & tenorem dictarum Pii IV. Prædecessoris literarum, sed omni meliori, validiori, atque ampliori modo, & forma plenarie Apostolica auctoritate tenore presentium restituimus, reponimus, reintegramus, & revalidamus: ipsamque Pii Quinti Prædecessoris Constitutionem, quo ad dictos Milites S. Stephani, presentes, & futuros, locum non habere, eisque minime obesse, ac nihil prorsus præjudicii asserere posse decernimus, & declaramus, quinimmo dictæ Constitutioni ad effectum præmissorum dumtaxat, latissime derogamus, eique plene, & sufficienter derogatum esse volumus.

Indultumque circa eas pensiones iterato concedit.

§.5. Et nihilominus, eisdem Militibus, omnibus, & singulis, etiam conjugatis, & bigamis, aliisque etiam presbyteris, ut singulas pensiones, usque ad summam prædictam ducentorum ducatorum auri de Camera super hujusmodi fructibus, redditibus, & proventibus Ecclesiasticis, aliisque prædictis, alias sibi canonicè reservandas, accumulative, cum quibusvis aliis pensionibus annuis, quas eos ex quovis alio privilegio, seu indulto, aut dispensatione Apostolica eis in genere, & communiter, seu eorum cullibet nominatim, & sigilla-

Bull. Rom. Tom. V. Par. I.

tim, etiam in una non facta mentione de alia, vel aliis, ante vel post datam presentium quodcumque concessa, aut concedenda, usque ad quamcumque summam, etiam dictis ducentis ducatis longe majorem, pro tempore percipere contigerit, & contingeret, ad vitam percipere, exigere, & levare, inque suos usus, & utilitatem convertere libere, & licite valeant, in omnibus, & per omnia, perinde ac si ipsa revocatio, abolitio, & Constitutio dicti Pii V. Prædecessoris non emanasset, aut ipsi Milites S. Stephani sub ea comprehensi non essent, de novo concedimus, & indulgemus.

§.6. Decernentes nihilominus, & declarantes, eosdem Milites, tam laicos, quam Clericos, etiam conjugatos, & non conjugatos, pensiones super quibusvis præfatarum Cathedralium, & Metropolitanarum, aut aliarum Ecclesiarum, Monasteriorum, Prioratuum, Canoniatuum, præbendarum, dignitatum, personatum, & administrationum, officiorum, aliorumque beneficiorum Ecclesiasticorum, cum cura, & sine cura, secularium, & quorumvis Ordinum Regularium fructibus, redditibus, proventibus, juribus, obventionibus, & emolumentis, ac distributionibus etiam quotidianis, alias eis canonice, & ex præfato, vel alio quocumque privilegio, aut indulto Apostolico, ad quamcumque summam, seu ipsos fructus, redditus, & proventus, eorumve partem aliquam loco pensionum earumdem sibi reservatos, aut assignatos, percipientes ad incedendum in habitu, & tonsura Clericali, deferendumque vestes tales juxta nostram desuper editam Constitutionem, quæ incipit Sacrosanctum, cujus pariter tenorem presentibus haberi volumus pro expresso, minime teneri, neque ad id obligatos existere, aut aliqua ratione cogi, aut compelli posse. Neque ipsas pensiones, aut illarum, vel fructuum, reddituum, & proventuum hujusmodi reservationes, per non delationem habitus, tonsuræ, aut vestium hujusmodi, aut per contractum matrimonii, vel per bigamiam quamcumque supervenientem, aut per exercitium Militiæ, & quoscumque actus bellicos, Clericis, & Ecclesiasticis personis, de jure, & per Sacros Canones prohibitos, nimirum Militares, etiam Sanguinis effusione, membrorum mutilatione, & morte infidelium subsequuta minime cessare, expirare, aut cassatas, vel extinctas dici, aut censeri posse, sed ipsos Milites nihilominus, ut prius illas percipere, & exigere posse, & debere, & dummodo habitum Militarem, vestes nimirum communes laicales, cum insignibus Crucis ejus Militiæ consuetis, juxta alias nostras super declaratione hujusmodi habitus Militaris, sub Datum Pridem Kalend. Februarii, Pontificatus nostri Anno IV. quæ etiam incipit: Pastoralis, editas literas deferant, utique Constitutioni nostræ plene satisfacere.

Exemiti quoque ab onere deferendi habitum, & tonsuram clericalem; Necnon concessis per contractum matrimonii, & exercitium Militiæ, pensionis non vacare.

§.7. Nec præmissa, aut presentes literas, de subreptionis, obreptionis, aut nulli-

Clausulas in jus concessionis præservativæ apponit.

Q 2

litatis vitio, intentionis nostra, vel quovis alio defectu notari, impugnari, invalidari, aut ad terminos juris reduci posse, aut debere, nec sub quibusvis similibus, vel dissimilibus gratiarum suspensionibus, revocationibus, limitationibus, aliisque contrariis dispositionibus, a Nobis, & successoribus nostris, ac Sede praefata, quavis de causa, quantumcumque iusta, pro tempore emanatis, & emanandis comprehendi, sed semper ab illis exceptas, & quoties illae emanabunt, toties easdem praesentes in pristinum statum restitutas, repositas, & de novo concessas esse, & censeri. Sicque per quoscumque Iudices, & Commissarios, quavis auctoritate fungentes, etiam causarum Palatii Apostolici Auditores, ac S.R.E. Cardinales, sublata eis, & eorum cuilibet, quavis aliter iudicandi, & interpretandi facultate, & auctoritate, ubique iudicari, & desiniri debere, necnon irritum, & inane quidquid fecus super his a quoquam, quavis auctoritate, scienter, vel ignoranter contigerit attentari.

Executores deputat.

§.8. Quocirca venerabilibus fratribus nostris Florentino, & Pisano Archiepiscopis, ac dilecto filio causarum Curiae Camerae Apostolicae generali Auditori, per Apostolica scripta mandamus, quatenus ipsi, vel duo, aut unus eorum, ubi, & quoties pro parte ipsorum Ferdinandi Magni Ducis, & Militum, seu alicujus eorum fuerint requisiti, per se, vel alium, seu alios praesentes literas, & in eis contenta quaecumque, solemniter publicantes, easque in praemissis efficacis defensionis praesidio assistentes, faciant eos, & eorum quemlibet, eisdem praesentibus, ac in eis contentis quibuscumque pacifice frui, & gaudere. Non permittentes, eos desuper a quoquam quomodolibet indebite molestari. Contradictores per censuras Ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

Contrariis derogat.

§.9. Non obstantibus recol. me. Bonifacii Papae VIII. pariter Praedecessoris nostri de una, & in Concilio generali edita, de duabus dietis, dummodo ultra tres dietas aliquis vigore praesentium, ad iudicium non trahatur, ac dicti Pii V. Praedecessoris, qua inter alia voluit, gratias huiusmodi suis ex plodi temporibus, & quod sibi licere non est passus, id suis successoribus indicavit, necnon praefatis, & quibusvis aliis Constitutionibus, & Ordinationibus Apostolicis, ac in Conciliis etiam generalibus editis, & quatumcumque Ecclesiarum, Monasteriorum, & Ordinum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, literis Apostolicis eisdem Ordinibus, Ecclesiae, & Monasteriis, eorumque Capitulis, Conventibus, Superioribus, Praelatis, & personis sub quibuscumque tenoribus, & formis concessis, etiam saepius approbatis, & innovatis. Quibus omnibus, & singulis,

etiam si de illis, eorumque totis tenoribus specialis, specifica, expressa, & individua non autem per clausulas generales idem importantes, mentio, seu quavis alia expressio habenda foret, illorum tenores praesentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, contrariis quibuscumque: aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint, per literas Apostolicas non facientes plenam, & expressam, de indulto huiusmodi mentionem. Nulli ergo, &c.

Datum Romae in Monte Quirinali Anno Incarnationis Dominicae 1590. decimo Kalen. Junii, Pontificatus nostri Anno VI.

D. P. An. VI. die 23. Martii

CLXXXIII.

Institutio Praepositi, Sacristae, Cappellano- rum, Clericorum, & Otiarii, ad Scalas Sanctas, prope Basilicam S. Joannis Lateranen. de Urbe.

SIXTUS EPISCOPUS
SERVUS SERVORUM DEI

Ad perpetuam rei memoriam.

§.1. CUM singularum rerum, quas Dominus noster Jesus Christus, pro nostra omniumque salute gessit, aut passus est, pia, & assidua meditatio cunctis fidelibus mirifice fructuosa, ac propemodum salutaris existat, atque ad miseros peccatores a recta via aberrantes ad veram poenitentiam revocandos, justos vero ad ardentioris devotionis fervorem inflammandos, vehementem vim habeat, idcirco praecipuo enitendum est studio, quo sancta illarum memoria cunctorum mentibus piorum fortius imprimatur, & tenacius retineatur. Hinc Sancta Mater Ecclesia non modo jugi Praedicatorum Verbi Dei admonitione, aliisque multis, & variis cohortationibus, verum etiam per Sanctissimae Passionis Dominicae veneranda mysteria, salutifera monumenta, Sacrasque Imagines, quae nostris oculis devote contemplanda proponit, intimis cordis nostri visceribus id ipsum perpetuo fovendi, & conservari pia cogitatione procurat. Cum itaque ex sacris illis locis, per quae transiens ipse Christus Dominus humanae salutis mysterium operabatur, inter cetera quamplurima monumenta, singulari Dei beneficio, Almae huic Urbi jam pridem concessa, sit etiam illud praecellarum, atque insigne quasi egregium Divinae erga Nos caritatis pignus Scale nimirum Sanctae, quae ejusdem Salvatoris nostri, dum multa jam passus, morti appropinquaret, sacris, & preciosissimo ejus cruore repperis vestigiis calcata, & juxta antiquissimam Patrum traditionem pietatis causa ab Hierosolymis e Praetorio, ubi Pilatus praefuerat, Romam advecta, apud Venerabilem Sancti

Hic Pontifex ex causis hic expressis, Scalam Sanctam deventuri, & sanctiori loco ante augustissimam Salvatoris nostri Cappellam, prope Basilicam S. Joannis Lateranen repositur, & ne Opificum pedibus dictae Scale gradus calcarentur modum hic enarrati observavit.

eti Joannis Lateranensis Basilicam aservantur, easque intueremur propter superiorum temporum injurias, Urbis excidia, direptiones, & alias calamitates jacere, quodammodo in loco abjecto, situ, & squalore, ac fordibus obfuso, vetustate pene collapsa, atque ad excurrentis, ac transeuntis turbae tumultum omnifarie patienti, atque palam exposito, ut ex hoc ipso utriusque sexus personarum summo non populi modo Romani, sed exterarum quoque Nationum ex remotissimis regionibus concursu, & celebritate ad eas confluentium, mentes a pia meditatione non mediocriter abducerentur, ac distraherentur, & earum devotio maximam perturbationem, molestiam, atque impedimentum pateretur; illud potissimum Nobis cordi fuit, ut nullis parentes impensis, eas integre, diligenter, ac omni qua potuit, religione transferri curaremus. Id vero ut decenter, ac debita cum reverentia perficeretur, ac ne sanctos illos gradus non aliter, quam supplicum genibus contrectari liceret, cum aliqua irreverentia immundis opificum pedibus profano quodam modo terri, & conculari contingeret, Deo illuminante excogitavimus, nostroque solerti studio curavimus in ipsa translatione eam diligentem adhiberi cautionem, ut qui gradus Scalarum earumdem sanctarum infimo in loco veteris structurae situs, & collocatus erat, is nunc omnium primus suo loco motus, ac transferentium humeris impositus summo, ac supremo in loco constitutus fuerit, & similiter, qui antea post ascensum infimi gradus secundus erat, is modo infra summum, & supremum Scale Sanctae gradum proximus, eique immediate conjunctus habeatur, ac idem prorsus ordo praeposita huiusmodi commutatione hac de causa inversus, eademque series, & consideratio gradatim, & sigillatim in tertio, quarto, ad deinceps reliquis singulis ejusdem Scale Sanctae gradibus transferendis, collocandis, & adjungendis servati extiterint, siquae ipsas Scalas Sanctas pedibus mortalium intactas, minimeque calcatas, juxta insignem illam, ac praecipua sanctitate toto Terrarum Orbe inter omnia Urbis, & Orbis sanctiora loca celeberrimam Cappellam, quae antiquissima, & maxima majorum nostrorum veneratione jam inde ab ipsa crescentis Ecclesiae praefata aetate Sancta Sanctorum appellatur, & quam ob loci religionem prorsus intactam, suaque primae Sede immotam reliquimus, decentiori, ac sanctiori, atque a multitudinis cursitantis strepitu magis remoto, & ad excitandam devotionem aptiore in loco reponeremus. Ubi, & qui per ipsas flexis genibus prostrati, ut moris est, pie Deum precantes ascendunt, nihil prorsus ante oculos habeant, quod eorum animum a devota contemplatione, avocet, sed potius augustissimam Salvatoris Imaginem, quae in praedicta sanctiori Cappella singulari, & ex omni antiquitate longissima plurium saeculorum serie repetita memoria, summaque Patrum religione

colitur, intuentes, ipsa loci Sanctitate, ad exhibendum ferventiori studio, sinceroque cordis affectu Divinae Majestati cultum, majorem in modum accendantur, & eadem Scale, in eam qua par est, dignitatem, ac splendorem restituta ad aeternam posteritatis memoriam debito cum honore, & reverentia conserventur. Etenim si praecipua veneratione dignissima sunt ea omnia, quae per contactum Sacratissimi Corporis Domini nostri Jesu Christi, in quo omnis plenitudo divinitatis corporaliter inhabitat, sanctificata jure optimo censentur; quanta demum reverentia, animique demissione colenda, quanta etiam honorificentia, & decore ornanda, & aservanda erunt haec Sacrosanctae Scale, quas idem Dominus, ac Redemptor noster jam antea flagellatus, & spinea corona Caput circum vulneratus, non modo nudis sacrorum pedum plantis, sed eo ipso, quem pro Nobis effundebat, inestimabili sanguine asperit, simulque gloriosius Beatorum Pedum, & cruoris ex sanctis vulneribus copiose manantis vetigiis, quae adhuc extant, impressas, ac notatas reliquit? Adorabimus, inquit Propheta. in loco, ubi steterunt pedes ejus, & rursus: Adorate scabellum pedum ejus, quoniam sanctum est: apud Isaiam quoque legimus, locum pedum meorum glorificabo, & ad Sanctam Civitatem Hierusalem adorabunt vestigia pedum tuorum: & apud Ezechielem, locus solii mei, & locus vestigiorum pedum meorum.

§.2. Hoc igitur pro opere tandem, licet ingenti sumptu, feliciter Dei benignitate absoluto, Porticum quoque ante eas satis amplam, atque ornatam extruximus, eamque ingentibus, solidioribus, ac robustioribus ferreis cratibus ad singula illius intercolumnia positis, undequaque septam, ut par erat, clausimus, & communivimus, clavisque illis aptari, ut congruis horis, & temporibus ostia aperiri, & observari queant, opportune curavimus. Alteras praeterea scalas, binas videlicet cum reverentia transeat, neve ob confertam Populorum ex omnibus Mundi partibus eo concurrentium multitudinem, summamque frequentiam in ascensu, & descensu Christianifideles se invicem impediunt, latas, atque amplas.

§.3. Superius autem Sacella duo a lateribus dictae sanctioris Cappellae magna impensa aedificavimus, necnon Altare in uno ex dictis Sacellis sub S. Laurentii Martyris, in altero autem sub S. Silvestri invocationibus ereximus. Illas vero omnes opere tetorio marmorato, eoque etiam inaurato, piis, & ad devotionem Christianifidelium excitandam accommodatis picturis exornavimus. Ea nimirum ratione habita, ut in gradibus hinc inde positis, eorumque fornice figurae veteris Testamenti, futurae nostrae redemptionis symbola sint depicta.

§.4. In ipsis vero Scalis Sanctis ejusdem Sacra-

Porticum ante dictam Scalam factis ornatam extruxit.

Sacella duo apud dictam Cappellam Sanctioris aedificavit.

1590. In parietibus Scalae, Passio- nis Domini depicta fecit.

Sacella praedicta eorumque Sacristia ornamenti Ecclesiastici ornatis.

Modo unam Praeposituram, unum Sacristae Officium, quatuor Cappellanas, quatuor Clericatus, unumque Ostiarium ibidem instituit.

Sacratissima Passionis mytheria fuerint expressa, atque hoc modo qui eas, ut diximus, genibus flexis devote ascendunt, religiosissimam eodem tempore Salvatoris Imaginem adorent, & quoquo se vertant, undequaque salutiferae Crucis, & Passionis Dominicae monumenta, pia contemplatione meditentur.

§.5. Quoniam vero maxime convenit, ut in sacro hujusmodi loco, Dominicae Crucis, & Passionis memoria non solum in marmore, ac lapidibus, picturisque, & Imaginibus, sed multo etiam magis in tremendo illo Missae sacrificio, veraque, & actuali Corporis, & Sanguinis Domini Nostri Jesu Christi oblatione perpetuo recolatur, Divinusque cultus non temporalibus modo, sed spiritualibus quoque aedificiis augeatur, primum quidem eadem Sacella, & Altaria, eorumque Sacristiam, paramentis, atque ornamentis Ecclesiasticis, Sacris nimirum Vestibus, Stolis, Manipulis, Amictibus, Pluvialibus, Casulis, ceterisque indumentis Sacerdotalibus, necnon Calicibus, Patenis, Corporalibus, Candelabris, Lampadibus, Urceolis, Vasculis, Mantilibus, Linteis, Palliis, ac etiam Missalibus, ceterisque Sacris Libris, atque Ecclesiastica suppellestili, & utensilibus omnibus necessariis, abunde instruximus, atque ornavimus.

§.6. Mox etiam decrevimus inibi unam Praeposituram ad Scalas Sanctas appellandam, unum Sacristae Officium, necnon, quatuor Cappellanas, & quatuor Beneficia Ecclesiastica Clericatus nuncupata, & unum Ostiarium erigere. Ex redditibus vero novorum locorum Montis Religionum, quae ultra assignationem Aquae Felicis perpetuae conservationi per Nos factam, supersunt, nunquam antea Camerae Apostolicae applicatis, neque incorporatis, sed nostra diligentia, industria, & cura, sine ullo Camerae Apostolicae, aut cujusvis alterius gravamine, vel detrimento, de novo inventis, ac pensione annua perpetua quadringentorum scutorum monetae super fructibus, redditibus, proventibus, ac distributionibus, etiam quotidianis, Prioratibus Ecclesiae Etsinae per Nos ad hunc effectum reservata, & assignata, Dotem Praepositurae, Sacristiae, Cappellaniis, & Beneficiis praedictis assignari posse censuimus. Motu igitur proprio, non ad alicujus super hoc oblate petitionis instantiam sed ex mera nostra deliberatione, ac certa scientia, deque Apostolicae potestatis plenitudine, ad laudem, & gloriam Omnipotentis Dei, ac in honorem, & memoriam Passionis Domini Salvatoris Nostri Jesu Christi, Divinique cultus ad Scalas Sanctas, ac in novis Sacellis praedictis incrementum, unam Praeposituram, quae inibi dignitas censatur pro uno Praeposito in Presbyteratus ordine constituto, vel qui in ea aetate sit, ut intra annum promoveri ad Presbyteratum possit, & debeat, qui Cappellanorum, & Clericorum hujusmodi caput existat, ibidemque praesit, ac praeterea perpetuum Sacristae

Officium pro uno Sacrista, qui curam Altarium, Scalae Sanctarum, ac ipsius Sacristiae gerere, illamque custodire, atque ut omnia nitida, sacra testa, ut par est, custodita sint, diligenter providere, necnon quatuor Cappellanas pro totidem perpetuis Cappellanis Presbyteris, seu intra annum pariter ad Presbyteratum promovendis, & quatuor Clericatus nuncupanda Beneficia Ecclesiastica, pro totidem Clericis in minoribus ordinibus constitutis ad Scalas Sanctas appellandis.

§.7. Qui quidem Praepositus, Sacrista, & Cappellani Terni qualibet hebdomada, & sic unusquisque eorum alternis hebdomadis Missam in novis Sacellis praedictis per se ipsos, aut si quo die ejusdem Praepositi arbitrio legitime impediti fuerint, per alium Presbyterum ab ipso Praeposito ad hoc specialiter approbandum, celebrare, ac ministrare; Clerici autem illis inservire; ac unum Ostiarium pro Ostiario ad nutum Sacristae deputando, & amovendo, qui ipsas Scalas, omniaque Sacella, & Altaria, ac Porticum mundare, congruisque horis, & temporibus ostia, & fenestras claudere, & aperire, aliaque juxta providam ordinationem a dilecto filio nostro in Alma Urbe Vicario, nunc & pro tempore existente eis designandam, facere, & exequi, dictoque Praeposito tanquam membra capiti obedire debeant, & teneantur, tenore praesentium perpetuo erigimus, & instituimus.

§.8. Eisque sic erectis, & institutis, pro illorum dote, ac illa obtinentium congrua sustentatione, ultra pensionem superius expressam, etiam centum nova loca Montis Religionum praedicta per Nos erecta, si ve annua emolumenta inde provenientia, & insimul ad mille centum, & septuaginta scuta monetae Romanae annuatim ascendentia, ex eis nimirum Praepositurae praedictae ducenta, Sacristae vero pro tempore existenti centum quadraginta scuta monetae (ex quibus tamen idem Sacrista triginta pro mercede, seu salario Ostiarii quotannis erogare debeat) singulis vero Cappellaniis centum & decem, ac denique singulis Clericatus praedictis, quinquaginta scuta, etiam monetae similia annua, motu scientia, ac auctoritate similibus perpetuo applicamus, & appropriamus. Quod vero ex illis reliquum erit, ad centum, & nonaginta scuta singulis annis ascendens, id ipsis novis Sacellis pro Divino cultu manutendo, & augendo, & in ea, quae pro tempore rescicienda erunt, paramenta, ac ornamenta Ecclesiastica, si ve in reparationem, & conservationem Scalae, & Porticus, ac totius continentis aedificii erogandum pariter perpetuo concedimus, & assignamus. Quibus quidem impenfis deductis, totum, id quod supererit, in emptio- nem aliorum locorum Montium non vacabilium quotannis converti, & eorum fructus pro rata supraedictae proportionis ratione habita, inter ipsos Praepositum, Sacristam, Cappellanos, & Clericos distribui vo-

Manus suam cuique praescribit.

Annuosque redditus eisdem assignat.

lu-

Imus: Necnon Praeposito, Sacrista, Cappellanis, & Clericis emolumenta locorum Montium hujusmodi, ac pensionem eis assignatam, per se, vel Procuratorem legitimum, & si eis videbitur, per Camera- rium, qui de eorum gremio existat, & ad quem peculiaris cura recuperationis, exactio- nis, distributionis, & repartitionis fructuum, reddituum, ac proventuum hujusmodi ad communem massam pertinentium spectet (ita tamen, ut de receptis, & administratis, rationem, & computa ipsi Collegio reddere teneatur) per eos, eorumve majorem partem, pro tempore deputandum, a Priore Ecclesiae Etsinae, necnon Depositorio Montis praedicti, nunc, & pro tempore existentibus respective, qui sine ulla mora, aut contradictione, etiam absque aliquo Judicis decreto, aut ministerio, & sine alia nostra, aut pro tempore existentis Romani Pontificis, Camerae Apostolicae, ejusve Ministrorum licentia, aut mandato, seu Patentium expeditione, vigore praesentium literarum persolvere debeant, exigendi, & percipiendi, ac inter se, ut praefertur, distribuendi, plenam, & liberam per praesentes facultatem concedimus, & impartimur. Volentes ipsum Collegium, ejusque singulares personas, nimirum Praepositum, Sacristam, Cappellanos, & Clericos praedictos, quo ad centum loca dicti Montis, eis ut dictum est, assignata, & applicata, eorumque fructus, seu emolumenta eisdem privilegiis, immunitatibus, exemptionibus, necnon juribus etiam anterioribus, & potioribus actionibus, hypothecis, obligationibus generalibus, & specialibus, antelationibus, & facultatibus (non tamen illa alienandi) perpetuo, uti, frui, potiri, & gaudere, quibus ceteri ejusdem Montis locorum, seu portionum emptores, aut quovis titulo etiam oneroso creditores, seu montista, quo ad loca, & portiones ad eos pertinentia, utuntur, potiuntur, & gaudent, si ve uti, frui, potiri, & gaudere quomodolibet poterunt in futurum, non solum ad eorum instar, sed pariformiter, & aequae principaliter, & si ne ulla prorsus differentia, perinde ac si ipsi quoque Praepositus, Sacrista, Cappellani, & Clerici, vere, & realiter persoluto pretio, illa titulo oneroso acquisivissent.

§.9. Ac insuper statuimus, & ordinamus, ut de cetero perpetuis futuris temporibus, omnes, & quaecumque piorum Christianissimorum oblationes, & elemosynas, dictis Scalis Sanctis, & Sacellis, & Altari- bus enlargenda, per unum, vel duos ex dictis Sacrista, Cappellanis, & Clericis pro tempore ad hoc deputandos, fideliter custodiantur, & aserventur, & sexto quoquo mense partim in Sacristiae usus, & divini cultus augmentum erogentur, partim vero inter ipsum Praepositum, Sacristam, Cappellanos, & Clericos dictis Scalis Sanctis, & Sacellis in divinis personaliter inservientes tantum, atque inibi assistentes, ultra portionem ordinariam praedictam eis applicatam, quasi distributionum quotidiana-

Elemosynas ibi enlargendas certo modo distribuendas esse decernit.

rum loco, juxta ordinationem dicti Urbis Vicarii super hoc faciendam dividantur.

§.10. Postremo, Juspatronatus, & praesentandi personas idoneas etiam alienigenas ad Praeposituram, Officium Sacristae, quatuor Cappellanas, & alia Beneficia Clericatus nuncupata hujusmodi dilecto filio nobili adolescenti Michaeli Peretro Marchioni de Encisa, nunc autem Burgi Sancti Petri, Militumque Custodiae nostrae Praefecto, nostro secundum carnem ex sorore Pronepoti, ejusque masculis ex masculis descendentibus legitimis, & naturalibus, ac ex legitimo matrimonio natis, & procreatis. Ita tamen, quod praesentatio fieri debeat solum a primogenito, & ipsius primogeniti primogenito, usque in infinitum, eiusque deficientibus, & secundogeniti, & aliorum successive lineas, & denique in masculorum omnium defectu, jus hujusmodi ad foeminas, earumque descendentes transeat, eisdem modo, & forma, quibus praesentatio ad aliam Praeposituram, Sacristiam, Cappellanas, & Beneficia per Nos in Cappella ad Praesepe Domini in Ecclesia Sanctae Mariae Majoris erecta, ejusdem Michaelis etiam illorum Patroni descendentibus reservata fuit, prout in literis Apostolicis desuper expeditis, quarum tenorem haberi volumus pro expresso, ac ad verbum inserto, plenius continetur. Et postmodum si defecerint omnes a dicto Michaeli descendentes, juspatronatus, & praesentandi hujusmodi transeat ad dilectam in Christo filiam Flaviam etiam Peretram dicti Michaelis sororem germanam, si extabit, & post eam, vel si ipsa non extabit, ad filios masculos ipsius, & ab eis masculos descendentes, usque in infinitum, & cessantibus masculis, ad foeminas a dictis masculis descendentes, & cessantibus omnibus, tam masculis, quam foeminis descendentibus a dicta Flavia, succedat dilecta in Christo filia Ursina similiter Peretta ejusdem Michaelis etiam soror germana, & post eam, vel si ipsa, tunc non extabit, ejus filii masculi ex masculis descendentes. Deficientibus autem omnibus, & singulis masculis, foeminis descendentibus a dictis Michaeli, Flavia, & Ursina, tunc succedat in dicto Juspatronatus, qui Nobis fuerit sanguine proximior, servato semper in omnibus casibus supraedicto ordine primogeniturae, transeundo scilicet de primogenito in primogenitum, & praefereudo lineam primogeniti lineae secundogeniti, & masculos ex masculis descendentes natis ex foeminis, ac masculos ex foeminis ipsis foeminis, ac alias in omnibus, & per omnia prout in linea filiorum, & descendentium a dicto Michaeli, ut praefertur, alias in literis praedictis ordinatum est. Ita quod jus praesentandi hujusmodi ad unum solum successorem in solidum, & post illum ad alium semper deveniat, absque eo quod inter plures Successores dividi possit.

§.11. Institutio vero ad praesentationem hujusmodi Vicario Urbis praedicto quo ad Praeposituram tantum, quo ad Sacristiam vero.

Juspatronatus & praesentandi ad dicta Beneficia Michaeli Peretro eius Pronepoti, & descendentibus masculis, a- liisque hic nominatis con- cedit.

Institutionem Praepositurae, Vicario Ur- bis, aliorum vero.

1590. autem beneficiorum ipsi Praeposito tribuit.

vero, Capellanas, & Beneficia, seu Clericatus huiusmodi, ipsi Praeposito pro tempore existenti concessa sit, & ad eos pertinere censentur, ac in forma solita fieri debeat, idque, tam hac prima vice, & ab eorum primava erectione, & institutione, quam quoties ex nunc in futurum, illas, & illa, quibusvis modis, & ex quorumcumque personis, etiam nostris, aut Romani Pontificis pro tempore existens, seu cuiusvis Cardinalis etiam tunc viventis familiaribus, continuis commensalibus, seu Romanae Curiae Officialibus, aut alias quomodolibet reservationem inducentibus, seu per liberas, vel ex causa permutationis reservationes, de illis in dicta Curia, vel extra eam quomodolibet factas, & admissas, assentionem alterius Beneficii Ecclesiastici quavis auctoritate collati, seu illa pro tempore obtinentium decessum, seu quamvis aliam dimissionem, missionem, privationem, matrimonii contractum, Religionis ingressum, aut alias quomodocumque, etiam apud Sedem praedictam simul, vel successive vacare contigerit, motu, & scientia similibus, auctoritate, & tenore praedictis, pariter, perpetuo reservamus, concedimus, & assignamus. Decernentes jus patronatus, & praesentandi huiusmodi Laicorum Nobilium, & Illustrium existere, ac Michaeli, & aliis futuris Patronis praedictis, & eorum cuilibet perpetuo suffragari debere, in omnibus, & per omnia, absque ulla prorsus differentia, perinde ac si illis, & eorumdem cuilibet, ratione verae, realis, actualis, plenae, & integre fundationis, ac perpetuae dotationis per eos de eorum propriis, & mere patrimonialibus, & laicalibus bonis dumtaxat competeret, & concessum esset, ac ut tale sub quacumque derogatione, etiam cum quibusvis praegnantissimis, efficacissimisque verbis, clausulis, & decretis, cum clausula, quorum tenores in quacumque dispositione, etiam per viam Constitutionis, legis, regulae Cancellariae Apostolicae, aut alias quomodocumque facta, nullatenus comprehendi, nec illi unquam quovis tempore etiam ratione cuiusvis litis pendentiae, vel vacationis Praepositurae, Sacrificae, Cappellanae, & aliorum Beneficiorum huiusmodi apud Sedem praedictam, etiam ex causa permutationis, vel devolutionis, seu alio quocumque praetextu, ex quacumque causa quantumvis urgente, & legitima, per Nos, seu quoscumque alios Romanos Pontifices pro tempore existentes, vel Sedem praedictam, aut illius Legatos etiam de latere, etiam motu, scientia, & potestatis plenitudine similibus, seu cuiusvis intuitu, & contemplatione, per quascumque literas Apostolicas etiam in forma Brevis, & quavis etiam derogatoriis derogatorias, ac fortiores, & insolitas clausulas, necnon irritantia, & alia contraria decreta quaecumque derogari, aut derogata censeri posse, neque debere, nisi in illis de toto tenore, ac data praesentium, necnon Patroni pro tempore existens nomine, cognomine, ac qualitate, spe-

cialis, specifica, & individua mentio facta fuerit, ac ejusdem Patroni pro tempore existens ad hoc expressus accesserit assensus, & aliter factas derogationes, necnon quacumque collationes, provisiones, commendas, praesentationes, institutiones, vel alias dispositiones, de Praepositura, Sacrificia, Cappellaniis, & aliis Beneficiis praedictis, ut praefertur, & alio quovis modo, etiam apud Sedem eandem pro tempore vacantibus, quibusvis personis alias quam ad praesentationem Michaelis, & aliorum Patronorum praedictorum, seu de eorum expresso consensu, etiam cum speciali, & expressa derogatione Juris patronatus huiusmodi pro tempore factas, processusque defuper habitos, ac inde pro tempore sequuta quaecumque, nulla, & invalida, nulliusque roboris, vel momenti fore, & esse, ac pro nullis, & infectis haberi, & censeri, nec jus, aut coloratum titulum possidendi cuiquam tribuere, vel per illa acquiri posse, sed praesentationes per Michaelem, & alios futuros Patronos praedictos pro tempore factas, & subsequetas institutiones, validas, & efficaces fore, suosque effectus sortiri, ipsique praesentatis, & institutis, tale jus in re, & ad rem acquiri debere, quale acquiritur praesentatis, & institutis ad Beneficia de vero, & reali jure patronatus laicorum Nobilium, & Illustrium, ratione primavae, & integre fundationis, ac perpetuae dotationis ex bonis mere laicalibus, & patrimonialibus dumtaxat existentia.

§.12. Necnon Praeposituram, Sacrificiam, Cappellanas, aliaque Beneficia Clericatus nuncupata huiusmodi per Nos erecta, sub quibusvis specialibus, vel generalibus reservationibus, unionibus, annexionibus, incorporationibus, suppressionibus etiam perpetuis, vel temporalibus, expectativis, & aliis etiam praeventivis gratis, ac uniendi, annectendi, & incorporandi, necnon conferendi, providendi, & aliis facultatibus, concessionibus, literis, mandatis etiam de providendo, & indultis quibuscumque, illorumque, & illarum revalidationibus, quibusvis personis, etiam praedictae Rom. Ecclesiae Cardinalibus, etiam motu, scientia, & potestatis plenitudine similibus, ac cum quibusvis suspensivis, rescriptivis, ac etiam derogatoriis derogatoriis clausulis, irritantibusque, & aliis etiam vim contractus inducentibus decretis, atque alias quomodolibet nunc, & pro tempore concessis, necnon quibusvis Constitutionibus, & Ordinationibus Apostolicis, ac dictae Cancellariae regulis, quomodolibet, & cum quibusvis clausulis, & decretis, quantumvis amplissimis, ac praegnantibus, & cum clausula quorum tenores editis, & edendis, nullatenus comprehensa esse, aut fore, minimeque comprehendi posse, aut debere, sed semper ab illis excepta, & exclusa esse, & censeri debere, ac omnia, & singula praemissa, necnon praesentes literas, nullo unquam tempore de subreptionis, vel obreptionis, seu nullitate vitio, aut intentionis nostrae, vel alio quovis

Clausulae praeservativas apponit.

Decretum iterum addit.

Executores huius Constitutionis deputat.

quovis defectu, etiam ex eo quod causa, propter quas eadem praemissa facta sunt, coram locorum Ordinariis, vel alio Iudice examinata, verificata, & ab eo approbata, ac interesse forsitan habentes ad id vocati non fuerint, nec defuper suum consensum praestiterint, seu ex quavis alia causa, vel quocumque praetextu, quaesito colore, vel ingenio notari, impugnari, invalidari, retractari, ad terminos juris reduci, seu in jus, vel controverfiam revocari, aut adversus illa quodcumque juris, facti, vel gratiae remedium impetrari, & attentio quod nostra cura, ut praefertur, dos ipsa Locorum Montium praedictorum inventa est, in Camera praedictae praedictum nequaquam reducere dici, aut censeri posse, nec sub ullis similibus, vel dissimilibus gratiarum revocationibus, limitationibus, aut aliis contrariis dispositionibus comprehendi, sed semper ab illis exceptas, & quoties illae emanabunt, toties in pristinam, & eum in quo antea erant statum restituta, reposita, & plenarie reintegrata, ac de novo etiam sub Data per eos, quorum intererit, quodcumque eligenda concessa, valida, & efficacia fore, suosque plenarios, & integros effectus sortiri, ac perpetuo suffragari, perinde ac si in Consistorio nostro secreto de unanimi Fratrum nostrorum consilio emanassent.

§.13. Sicque in praemissis universis per quoscumque, & singulos Iudices ordinarios, & delegatos, etiam causarum Palatii Apostolici Auditores, ac S.R.E. Cardinales, sublati eis, & eorum cuilibet quavis aliter iudicandi, & interpretandi facultate, & auctoritate, in quavis causa, & instantia iudicari, & desiniri debere: irritum quoque, & inane si secus super his a quocumque quavis auctoritate, scienter, vel ignoranter contigerit attentari.

§.14. Quocirca venerabilibus Fratribus nostris Ostien. Sabinen., & Tufulan. Episcopis, motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios, praesentes literas, & in eis contenta quaecumque, ubi, & quando opus fuerit, ac quoties pro parte pro tempore existentium Patroni, necnon Praepositi, Sacrificae, Cappellanae, & Beneficiorum huiusmodi, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra praesentes literas, & in eis contenta quaecumque ab omnibus, ad quos spectat, & pro tempore spectabit, inviolabiliter observari: necnon Patronum, Praepositum, Sacrificam, Cappellanos, & Beneficiarios pro tempore existentes praedictos, eorumque singulos, illis pacifice frui, & gaudere, eisque de emolumentis locorum seu portionum Montis huiusmodi, & pensionis praedictae, perpetuo, & integre responderi, & solutiones eis faciendas, tam a Camera Apost. ejusque Ministris, quam ab aliis, ad quos spectat, aut spectabit in futurum, ratas haberi, etiam alio particulari, Bull. Rom. Tom. V. Par. I.

aut novo mandato, licentia, aut decreto, minime expectato, nec requisito. Non permittentes, ipsos vel quempiam ex eis per quoscumque defuper quomodolibet molestari, perturbari, vel inquietari. Contra dictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita compescendo, ac legitimis super his habendis servatis processibus, sententias, censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii saecularis.

§.15. Non obstantibus praemissis, ac pia memoriae Bonifacii PP. VIII. similiter Praedecessoris nostri, qua cavetur, ne quis extra suam Civitatem, vel Dioecesim, nisi in certis expressis casibus, & in illis ultra unam dietam a fine suae Dioecesis ad iudicium evocetur, seu ne Iudices a Sede praedicta deputati, extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vices suas committere audeant. seu praesumant, & in Concilio generali edita de duabus dietis, necnon, quatenus opus sit. Lateranensis Concilii novissime celebrati super bonis Romanae Ecclesiae, & Sedis earumdem nunquam, aut nisi ex certis tunc expressis causis alienandis, ac sanctae memoriae Symmachi, non liceat Papae, ac Innocentii VIII., Volentes incipien., & Pauli Secundi, necnon Pii Quarti, super gratis interesse Camerae praedictae concernentibus in eadem Camera registrandis. Ita ut praesentes literae etiam si in dicta Camera intra certum in ea praesixum tempus, necnon unquam postea praesentatae, insinuate, admixtae, aut registratae fuerint, nihilominus perpetuo valeant, ac etiam lapsa huiusmodi tempore, iis, quos concernunt, suffragentur: non secus ac si insinuate, admixtae, & registratae fuissent: ac nostra de unionibus committendis ad partes vocatis, quorum interest, & dicti Lateranensis, novissimi, & aliorum generalium Conciliorum uniones perpetuas, nisi in casibus a jure permissis fieri, aut unius Dioecesis Beneficia alterius Dioecesis Beneficii uniri prohibentium, necnon aliorum Romanorum Pontificum nostrorum Praedecessorum, ceterisque nostris Apostolicis, ac in Provincialibus, & Synodalibus Conciliis editis, & edendis, specialibus, vel generalibus Constitutionibus, & Ordinationibus, necnon Basilicae Sancti Joannis Lateranensis, Ecclesiaeque Aetnae, ac Congregationum, & Ordinum, Montisque Religionum, & Camerae praedictarum, etiam juramento, confirmatione Apostolica, vel quavis firmitate alia roboratis statutis, & consuetudinibus, primavisque foundationibus, erectionibus, & institutionibus, privilegiis quoque, indultis, & literis Apostolicis Archiepiscoporum, & Capitulo Basilicae praedictae, ac Priori Aetnae, Praesidentibusque, Clericis, & quibusvis Ministris, & Officialibus Camerae, seu Collegio Montis Religionum huiusmodi, ac dilectis filiis Senatu, Populo

Clausulae derogatorias subdit.

R que